

Drey gar schöne/
Auszübündige/
Newe / lustige Lieder /
welche newlich im Druck
seynd außgangen.

Das Erste.

Frölich ist man im Fröling
im Garten / r.

Das Ander.

Mein Junges Leben hat ein End/
mein Freudt vnd auch mein Leyd / r.

Das Dritte.

Wie Vnmenschliche Traurigkeit
wie höchster Schmerz vnd Peyn
Jedes inn seiner eignen W



Gedruckt zu Straubing/
Sommer 1522

24

Das Erste Lied.

Frölich ist man im Fröling im
Garten/ der Rosen vñ Blüms
lein zuwarten / zur Frewd sich alles
thut arten.

2. Im Mayen die Vögelein sin-
gen/ ihr lieblichen Stimmen erklin-
gen/ alle Herzen vor Frewden sich
schwingen.

3. Frölich ist man im Sommer im
Felde / wann sich erhebt Krieg im
der Welde/ da erfrewd sich manch
dapfferer Helde.

4. Im Sommer all Früchte der
Erden / auff Ecker / Wiesen vnd
en / abgesamblet vnd eynges
werden.

Frölich ist man im Herbst bey
en/ die Wein vnd Getränck
ben / zu erquickung des
ein Leben. 6. Im

100
6. Im Walde die Hörnlein erschallen / die Jäger sampt ihren Gesellen / thun ein lustiges Jagen anstellen.

7. Wañ der Binder herenn thut tringen / Bugewitter er mit sich thut bringen / Eraswrig ist man inn allen den Dingen.

8. Alle Bäumlein im Walde sich entferben / alle Früchte auff dem Felde verderben / alle Blümlein im Garten thun sterben.

9. Die Verenderung inn diesen Vier Zeiten / mit ihren Gestalten bedeuten / ein Verwechslung der Menschlichen Freuden.

10. Vergänglich ist es alles auff dieser Erden / kein Mensch nicht selig mag werden / dann er lebe mit all beschwerden.

11. Wer auff Erden ohne Sorgen wil leben / auff die Zeit er gut achtung soll geben / wol halten inn allen sein Leben.

12. Die Zeit mit sich alles thut bringen / darumb hoff ich es soll mir gelingen / inn allem / darnach wil ich ringen.

Das Ander Lied.

Mein junges Leben hat ein End / mein Frewd vnd auch mein Leyd :: Mein arme Seele soll behendt / schenden von meinem Leib / mein Leben kan nicht lenger stehn / es ist sehr schwach / es muß vergehn / es fehrt dahin mein Frewde.

2. Es fehrt dahin ein weiten Weg / mein Seel mit grossem Leyde :: Mein Leib man trawrig inns Grab ge / wie Aschen er zerstäubt / als

101
wan er nie gewesen wer/ vnd nimmer
mehr wer kommen her/ auß meiner
Mutter Leib.

3. Ade/ Ade/ O Welt Ade/ verz
lassen muß ich dich/ :: In dir hab
ich kein Freud mit mehr/ von dir muß
scheiden ich/ in dir hab ich kein Raß
noch Ruh/ man truckt mir dann die
Augen zu/ daß muß ich klagen sehr.

4. Ich klage nicht daß ich scheiden
soll/ von dir du schnöde Welt :: Al
lein mein Herz ist Trauorens voll/
daß mich mein Sünd oberfellt/ die
ich mein Tag begangen hab/ die hilffte
mir von meinem Leben ab/ vnd bringts
mein Leib inns Grab.

5. O Jesulein/ du höchster Gott/
was hab ich doch gethan/ all meine
Sünd vnd Missethat/ klagen mich
hefftig an/ dennoch wil ich verzagen

A m nicht

nicht/vor deinem Göttlichen Angesicht/
vmb Guad ruff ich dich an.

6. Ach Herr Gott mein Kreuz
vnd Noht/ertrag ich mit Gedult/
vnd bitt dich liebes Jesulein/wolst
mir verzeihen mein Schuld / vnd
mich nehmen zu Gnaden an / den
gfasten Zorn setz immer hindan/du
Edler Ehrenpreusz.

7. Ach seh doch an die höchste
Flam/ Jesu du König mild / welche
schlegt ober mein Haupt zusam/vnd
mich verzehren wil/mein Herz glüet
wie ein Glüender Stein/vnd ist be-
kleydt mit Angst vnd Peyn/ach hilf
mir ein mahl darvon.

8. Kein Frewdt ich um der Welt
mehr hab/verlassen muß ich sie / all
meine Freund gesegnen nun/es muß
geschiden seyn/drumb wil ich sehwand
lassen

lassen ab/zurichtē thun ein trawrigs
Grab/darinn mein Leib Ruh hat.

9. Geseigne dich GOTT/Stern/
Sonn vnd Monn/defgleichen Laub
vnd Gras/vnd alles was auff Er-
den grundt/vnd was der Himmel
beschloß/ich befihl mich nun dem
Schußherm mein/mit allen lieben
Engelein/Ade zu guter Nacht.

10. Der dises Liedlein hat erdacht/
auß trawrigem Herzen sein/der
wünscht hiemit vil guter Nacht/sei
nem Weib vnd Kindlein klein/befihle
sie GOTT dem HERRN allein/der
woll hinfort ihr Vatter seyn/vnd sie
beschützen sein.

Das Dritte Lied.

WIE Vnmenschliche Trawrigkeit/wie
höchster Schmerz vn Peyn/wie vnauß-
sprechlich Herzenleyd/wā es muß ge-
scheyden seyn. In eyl geschwindt/gleich
wie der Windt/im Augenblick verschwindt/auff
vn darvon/hsb ich zu lohn/Gott weiß ob ich mehr

sih/was ich all Stundt/auß Herzen grundt/hab
geliebt so inniglich.

2. Ob ich wol gehofft ein lange zeit/ich wurde
bleiben hie/ jetzt muß ich fort/es hilfft kein bitt/
ist mir geschehen nye/ O Trawrigkeit/ mit höch-
stem Leydt/ wo ist nun mehr mein Frewdt/ Ach
weh/ ach weh/ vnd immer weh/was muß ich fangen
an / dieweil ich leydt/ inn Scheyden Zett/ kein
Mensch mir helfen kan.

3. Allein dein außewöhlter Mundt / den ich
offt mannihs mahl/weil ich inn Liebes Todr ver-
wundt / herzlich küßt ohne zahl/ jetzt ist es auß/
vnd vber auß/ muß fort inn grossen Sauff/ im
Regen/Windt/vnd auch im Schnee/Ach weh vnd
immer weh/mein Seuffzen vnd Klage bey Nacht
vnd Tag ist mir nun mehr zu spat.

4. Dieweil es dan nicht anders kan seyn/ befehl
ich allezeit/ mein fränckes Hertz/ voll Peyn vnd
Schmerz/weiner für Trawrigkeit/in deine Händ/
mein Schatz behendt/dein Gemüht nicht von mir
wendt/biß ich zu dir/vnd du zu mir/wider komme
geschwindt/dein gesunden Leib/ohn alles Leydt/
geb GOTT daß ich ihn findt.

5. Jetzt fahr ich hin/weiß nimmermehr/ob ich
komme zu dir/nun behüt dich GOTT/mein höchste
Lehr/mein Trost/ Hoffnung vnd Zier/inn Ewig-
keit/ mein Liebste Frewd/ mein Hertz nicht von
dir scheydt/biß mir der Todr/ mit Angst vñ Noht/
erwlich vnd vngeschlacht/ mein Leben nimbt/
ein mahl geschwindt/darbey mein Lieb betracht.

E R D E